



L V C T V S
CONSOLATORIVS.

Super morte nuper D. Cancellarij
Angliæ, Nouembr.
1591.



LONDINI,
Apud THOMAM ORVVINVM Typographum.
1591.



ÆGRÆ CONSOLATIO MENTI.

In egregij D. Cancellarij Angliæ, prænobili-
lis ordinis Garterij Militis, feliciss. Domi-
nae nostræ Reginae ELIZABETH
à consilijs intimis, Obitum.

REGIA multiplici quem gratia nuper honore,
Splendentem nostro reddidit orbe virum,
Forma venusta cui, speciosum & amabile corpus,
Gestus & ab omni parte decorus erat,
Ingenium solers, locuples facundia linguæ,
Ingenui mores, Candor, & Integritas,
Comis, Munificus, Prudens, synceriter Æquus,
Qui pro personæ & conditione grauis,
Quiq; in amicorum quemcunq; asciuerat album
Constanti semper foedere fidus amari,

Quiq; generosus Musarum iugis Alumnus,
 Musicæ & excultor relligiosus erat,
 Archigrammateus tandem, qui fungitur illo
 Munere cum summis sedulitate' fide:
 Cunctis penè bonis Felix qui denique quantum
 Mortalem virtus vlla beare queat,
 Eheu CHRISTOFERVS citò concidit inclytus Iste
 HATTONVS saux mortis ab interitu.
 Hæc damnosa quidem grauis est iactura momenti,
 Et quæ non facili sit reparanda modo;
 Verum etenim verò est nobis quod (gratia S V M M O)
 Sollicitis præsens esse medela potest.
 Vnus ab illustri defuit Dynasta Senatu,
 Supplent id reliqui vt integer vsq; manet:
 Omne nec in vno tenebrescit sydere sydus,
 Consplendent Gemmæ fusca sit vna licet.
 Quin potius quod res est id reputemus, et æqua
 Materies nobis lance librata fiet:
 Non fera deflenda est tantum mors vllius vnquam
 VNIUS in vita ac sit iubilanda salus:

VNA HÆC nostra modò PRINCEPS REGINA PO-
(TESTAS:

Atq; adeò in terris HÆC manus ipsa DEI.

Primitùs ex bello pacem' scoriaq; monetam,

Exacto Papa' sacra polita dedit,

Confluit Hispanùm sancta invictissima classis,

Præda quibus stolidis Anglia tota foret,

Mascula LONGIMANE trudit partem in mare virtus,

Pars reliqua ignavè fusa fugata fugit.

Inde sub HAC tumidum tam contudit Anglus Iberum,

Vt per successus quos mala causa ferat

Cogitur assiduè quid sit cognoscere cultus

Impius, & frendens vindicis ira DEI,

Et quàm pacatè in CHRISTO vivitur Anglis,

Et quantum cum quæis ELIZABETHA valet:

Livida papali correpta Hispania peste,

Ringens dum miserè tabeat intercæ.

Athea spernidei (vah) antiChristia Papæ,

Inviætæ & classis (proh pudor) illa fuga;

Gens invisa' tumens' crepitans mendatia, per quæ

Damna pusillanimis dedecorosa tegat.

Atqui' felices ò nos quibus obtigit vnis
Vivere sub tanta PRINCIPE posse diu.
Hostibus ILLA (DEO grates) AVGVSTA fugatis
Compositisq; foris pace & amore domi,
Vsum Evangelij, pura cum Religione,
Iustitiam nec non dat genus omne boni
Martis vbiq; furor rabidè dum flagret in orbe
Illustrèis meritis SE' Patriamq; facit.
Hæc modò tam clarent Orbi vt nec læthifer hostis,
Ipse nec inficias Zoilus ire queat.
Diva igitur PRINCEPS nostri in moderamine cum sit,
Prouida, Magnanimis, Iusta, Benigna, Pia,
Si dolet (heu flendè) quo nos doleamus habemus,
Si valet exultans quilibet (eugè) valet.
Nostra salute salus & cum figatur in EIVS,
Orandum votis omnigenaq; prece,
Vt sua felicitis longum placidissima Regni
MAIESTAS secum secla (quod esto) trahat.
Mortuus HIC in DOMINO, Beatus ergò.

Vixit ann. 50.

D. Carcellarius Anglia ann. 4. Mens. 7.

Per totam vitam caelebs.

*Decessit in Palatio suo Olaburnia Londin. Sabb. 20. Nouemb.
sub 6. vesperi: hoc 1591. Regni autem sereniss. Domina no-
stra Regina ELIZABETH. 34.*

*Funus inde ad D. Pauli, Iov. 16. Decemb. prox. multorum cum
magnifico Nobilium comitatu honorificè die clara & serena de-
latum, ubi exequiarum iustis venerandè peractis corpus sepul-
tura datum.*

Sux dignitati devotus & devinctus Cliens W. P. G.

FINIS.

